



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

Na osnovu čl. 25. i 69. Statuta Općine Centar Sarajevo – prečišćen tekst ("Službene novine Kantona Sarajevo", broj: 23/04), člana 12. Odluke o izvršavanju Budžeta Općine Centar Sarajevo za 2026. godinu (Službene novine KS, broj 52/25), člana 4. Pravilnika o dodjeli sredstava za finansiranje/sufinansiranje projekata obrazovnih ustanova („Službene novine Kantona Sarajevo“, broj: 10/25), Pravilnika o izmjenama i dopunama pravilnika dodjeli sredstava za finansiranje/sufinansiranje projekata obrazovnih ustanova broj: 13-11-807/26 od 09.02.2026. godine i Odluke o pokretanju postupka raspisivanja i provođenja javnog poziva, broj:13-11-4041/26 godine, od 22.06.2026. godine, Općinski načelnik upućuje

JAVNI POZIV

za dodjelu sredstava za finansiranje /sufinansiranje troškova projekata obrazovnih ustanova u 2026. godini

I OPIS PROGRAMA

Finansiranje projekata obrazovnih ustanova podstiče se unapređenjem odgojno–obrazovnog procesa kroz finansiranje projektnih aktivnosti obrazovnih ustanova koje doprinose boljoj i uspješnoj realizaciji nastavnih i vannastavnih sadržaja planiranih godišnjim programom rada za tekuću školsku/akademsku godinu, Općina Centar Sarajevo dodatno je osigurala sredstva u Budžetu Općine Centar za 2026. godinu za finansiranje/sufinansiranje troškova projekata obrazovnih institucija, tako da planirana sredstva za provođenje novog Javnog poziva iznose 9.744,00 KM.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu, ista će se dodjeljivati u skladu sa relevantnim propisima, uključujući pravila o de minimis pomoći.

II PRAVO NA DODJELU SREDSTAVA

Pravo na podnošenje zahtjeva za dodjelu sredstava za ovu namjenu imaju javne ustanove iz oblasti obrazovanja čije je sjedište na području općine Centar i to:

- a) predškolske ustanove,
- b) osnovne škole,
- c) srednje škole,
- d) visokoškolske ustanove

III TRAJANJE JAVNOG POZIVA I NAČIN PODNOŠENJA ZAHTJEVA

Javni poziv se objavljuje na web stranici Općine i ostaje otvoren tokom cijele godine, odnosno do utroška sredstava dodatno osiguranih za ovu namjenu u Budžetu na stavkama:

- a) podrška projektima predškolskih ustanova, osnovnih škola, srednjih škola i visokoškolskih ustanova za tekuće projekte i aktivnosti,
- b) sportski susreti srednjih škola.

Zahtjevi za finansiranje/sufinansiranje dostavljaju se službi nadležnoj za oblast obrazovanja (u daljem tekstu: Služba) elektronskim putem, preporučeno putem pošte ili putem protokola.

IV POSTUPAK DODJELE SREDSTAVA

Sve zahtjeve obrađuje Služba i prijedlog odluke za finansiranje dostavlja Općinskom načelniku na razmatranje. Obrazovnim ustanovama koje nisu ispunile predviđene kriterije Služba će dostaviti obavijest.

Svaki podnosilac zahtjeva može podnijeti prigovor Komisiji za razmatranje prigovora u roku od 7 dana od dana prijema obavijesti/odluke. Komisija će biti imenovana iz reda državnih službenika, a svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnositelja prijave. Konačnu odluku o dodjeli sredstava za podršku projektima i aktivnostima obrazovnih ustanova donosi Općinski načelnik, a u skladu sa važećom odlukom o izvršavanju budžeta Općine.

Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

V KRITERIJI

Kriteriji odabira projekata koji će biti finansirani/sufinansirani iz Budžeta su:

- a) opis projekta;
- b) cilj projekta;
- c) opis projektnih aktivnosti;
- d) ciljne grupe projekta;
- e) rezultat i uticaj projekta (uključujući odgojno-obrazovne i socijalne efekte) su jasno definisani;
- f) vremenski period realizacije projekta;
- g) preporuka nadležnog ministarstva obrazovanja (ukoliko postoji);

VI POTREBNA DOKUMENTACIJA

Uz zahtjev potrebno je priložiti:

- a) projektni prijedlog sa jasnim opisom aktivnosti, ciljnih grupa, očekivanih rezultata, vremenskog perioda realizacije;
- b) budžet planiranog projekta;
- c) predračun (ukoliko je moguće obezbjediti);
- d) izjava o primljenim i de minimis potporama.

VII IZNOS SREDSTAVA

Minimalan iznos sredstava koji se može dodijeliti za finansiranje/sufinansiranje projekta je 500,00 KM, a maksimalan ne može prelaziti iznos od 5.000,00 KM.

Općina zadržava pravo da izmijeni / uskladi iznos planiranih sredstava u skladu sa izmjenama budžetskih dokumenata u toku godine.

VIII NAČIN PODNOŠENJA ZAHTJEVA

Dostavljeni lični podaci podnosioci prijave koristit će se isključivo za potrebe provođenja Javnog poziva, u skladu sa Zakonom o zaštiti ličnih podataka Bosne i Hercegovine.

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za obrazovanje na protokol Općine Centar, ulica Mis Irbina br.1. ili putem pošte.

Za sve dodatne informacije korisnici mogu pozvati broj telefona 033/562-453 ili poslati upit na mail: obrazovanje@centar.ba.

OPĆINSKI NAČELNIK

Srđan Mandić